

Kontuola

ANTZUOLA / Egubakoitza / 2002ko azaroaren 15a / 134. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxe: 943 76 29 77 • Posta elektronikoa: kontuola@goiena.com • Lege gordailua: SS1179/02

Maristena izandako eraikina eraistea erabaki du Udalak osoko bilkuran

AINZANE IRIZAR

Aurreko astean egindako osoko bilkuran maristena izandako eraikina botatzea erabaki zuen udalbatzarrak. Izan ere, eraikinaren egitura txarto dago. Hamar bat hilabete pasatu dira dagoeneko eraikineko lanak geldiarazi zituztenetik.

Prozesu luzea izan zen gizarte etxea izango zen eraikinaren gainekoa. Eraikinean zehazki zer egin nahi zen erabaki, proiektua esleitu eta onartu, lanak esleitu...

Aurreikusten zuten eraikinaren egituraren arazoak egon zitezkeela, baina lanekin hasi bezain laster, arazo horiek uste baino larriagoak zirela ikusi zuten. Alde batetik, gerra ostean, eraiki zenean, material eskas samarrak erabiltzen zituztelako; eta, bestetik, urte hauetan guztietan egin diren berrikuntza lanetan kalteak eragin zaizkiolako egiturari. Lanak bertan behera laga zituztenetik hona hamar hilabete pasatu dira.

PROPOSAMEN UGARI AUKERAN

Eraikinaren etorkizuna erabakitzea ez da lan erraza izan. Mireia Unamuno alkatearen esanetan, "ondo pentsatutako erabakia izan da, azkenean, eraikina eraistea". Erabaki hori hartu aurretik txosten tekniko ugari egin dituzte, iritzi, txosten eta aurrekontu ugari kontrastatu behar izan dituzte.

Udalarendako, eraikina ez botatzea garrantzitsua zen, eraikinak baduelako historia.



Azkeneko hamar hilabeteotan geldi egon dira eraikineko lanak.

Eraikinaren egitura egoera txarrean zegoela ohartu ziren lanekin hasi orduko

Aukera ugari erabili dituzte esku artean: eraikinaren egitura sendotzea, kanpandorra dagoen aldea dagoenetan laga eta gainerakoa botatzea... Azkenean, eraikin osoa eraitsi eta berria

Eraikina ez botatzea zen garrantzitsua Antzuolako Udalarendako

egitea erabaki du Udalak. Hala ere, oraindik ez dute erabaki zelako eraikina egingo duten.

Orain, prozesu osoa hasieratik hasi beharko dute: proiektua esleitzeko deialdia egin eta proiektu

Urte hasierarako eraikina eraistea espero dute Udaleko arduradunek

tu hori onartu, lanak esleitu... Eraikina eraisteko proiektua egingo du orain Udalak; gero, lanak enpresa bati esleitu ditzio, eta urte hasierarako eraikina eraistea espero dute.

LABUR

Bihar, zapatua, ipuin kontalaria liburutegian

Udal Liburutegiak antolatuta, Arrate Leunda ipuin kontalaria izango dugu bihar, zapatua, liburutegian bertan. Arratsaldeko seietan hasiko da saioa, eta era guztietako ipuinak entzuteko aukera izango dugu. Liburutegiak aurten antolatzen duen bigarren saioa izango da biharkoa.

Bihar, zapatua, zozkatuko dituzte etxebizitzak

Antzuola Udal Etxegintzako etxebizitzak erosten behin betiko zerrenda onartu ostean, bihar, zapatua, eguerdiko hamabietan egingo dute etxebizitzak zozketa, Olaran etxean. Dauden hamasei etxebizitzak hamasei erosleren artean banatzeko egingo dute zozketa hori.

Aiherrarako autobusa 08:00etan irtengo da

Etzi, domeka, ospatuko dute Aiherraren eta Antzuolaren arteko Elkartasun Eguna. 08:00etan irtengo da autobusa, plazatik. Nafarroa Behereko Baigorri, Banka, Aldude eta Urepele herriak bisitatze-ko irteera antolatu dute egun horretarako Aiherrakoek.



INDUSTRI MANTENIMENDUA

Jose Gomez Abad

Errekalde 6, 4-B.
Antzuola
943 76 60 19
943 76 60 43
Faxe:
943 76 60 19

MUJIKA HARATEGIA



Berezitasunak:
Etxean hazitako zekorak eta oilaskoak

Kalebarren, 1.
ANTZUOLA
Tf. 943 76 64 34

AITZ-GARBI



Pintxoak eta kazuelatxoak.
Bazkariak eta afariak

Kalebarren 15. Tf. 943 78 70 51
ANTZUOLA



Jose Luis Zabalo

Birgaitzeak • Fatxadak
Teilatuak
Sukalde eta bainu gelak

Kalegoi 9, 1a., ANTZUOLA.
Tf. 943 76 60 89

IRAKURLIAREN TXOKUA

ESKOLA KIROLA

Eskola kirolak ez du orrialde asko betetzen egunkarietan baina hor jarraitzen du urtero zenbait ekitaldi aurrera ateratzen. 8-14 urte bitarteko gaztetxoak, guraso talde bat eta irakasle bat ere ibiltzen dira eurei erakusten eta eurengandik ikasten.

Nire ustez, aipamen txiki bat merezi dute aurten eta urteetan zehar entrenatzaile lanetan saiatzen direnek, nolabait euren esperientzia, pazientzia eta batez ere gogoarekin kirolzaletasuna eta lagunartea sortzen ahalegintzen direlako.

Eginak baditu bere arriskuak eta gauzak beti ez dira ondo irteten, baina beste denok eman diezaiegun gure iritzia eta laguntza, eta horrela, denon artean, samurragoa izango da helburua lortzea.


Antzuolan, orain arte, Eskola Kirolak badu jarraipena beste zenbait kirol taldetan, gaur egun batez ere pilotan eta futbolean; eta hauetan, beste askoren tartean, aipatu beharra daukat orain dela gutxi joan zaigun Alfonso Castro.

Idatzi honekin berari omenaldi txiki bat egitea nahi nioke.

Fragua ondoan ezagutu zintudan, burdina lantzen bazenuen trebezia, baina batez ere zure lanerako jarrera eta ingurukoengan sortzen zenuen bizipoza azpimarratuko nituzke. Antzuolako gazte askok eta kirolaz gozatu dugun familiak badugu erreferentzi on bat zurekin; zure jaioteritik urruti, baina "azentua" galdu gabe, makina bat lan egin duzu ordainik eskatu gabe; orain, berri, bidai luzean joan zara lagun.

Eskerrik asko eta gero arte Alfonso.

JOSE MARI ITURBE



Antzuolar ugari Behobia-Donostian

Guztira, hamabost antzuolarrek parte hartu zuten Behobia-Donostia lasterketan. Ordubete, zortzi minutu eta zazpi segundoko denborarekin Beñat Aiastui korrikalaria izan zen denbora onena egin zuen antzuolarra. Iker Larrea (01:12:26) eta Aitor Larrea (01:17:18) izan ziren hurrengoak. Aipatzekoa da, bestalde, emakumezko bakarra joan zela Antzuolatik; Olatz Lezetak bi ordu, hemeretzi minutu eta segundo bat behar izan zituen 21 kilometroak egiteko./A.I.

LABUR

Inkesten arabera, gurasoek beharrezkoa ikusten dute umeak zaintzeko zerbitzua

Pausoka gurasoen elkarteak haurtzaindegi edo zaintza zerbitzuaren gaineko herriko guraso guztien iritzia jakin nahi izan du. Horretarako, 0 eta 3 urte bitarteko umeak dituzten 60 bat gurasoren artean inkesta egin du azkeneko hilabetean. Inkestako emaitzen arabera; denek ikusten dute beharrezkoa haurtzaindegia edo zaintza zerbitzua jartzea herrian, eta gehienek erabiliko lituzkete, gainera, zerbitzu horiek.

Herriko hilerria hamabostean behin zabaltzen dute, domeketan

Herritar askok ez ei dakite noiz egoten den zabalik hilerria. Hori adierazi zuen Juan Benítez zinegotziak azkeneko osoko bilkuran. Udalean adierazi digutenez, hamabostean behin egoten da zabalik hilerria, domeketan, 11:00etatik iluntzera arte. Etzi, esaterako, itxita egongo da. Dena dela, udaletxean eskuragarri dago hilerriko giltza, edozein egunetan hilerria joan nahi duenarendako.

KIROLA

PARTIDUAK

FUTBOLA

Oraingo aste bukaeran ez dugu futbol partidurik izango Estalan.

PILOTA

Azaroak 16 (Gipuzkoako Kluben Arteko Txapelketa)
18:00: Olalde-Oskarbi (inf. eskuz)
Ondoren: Olalde-Landare (nag. palaz)

EMAITZAK

FUTBOLA

Antzuola 3 Aretxabaleta 5 (Erreg.)
Antzuola 7 Ondarroa 0 (Gazteak)

PILOTA

Gipuzkoako Kluben Arteko Txap.
Olalde-Azkoitia (eskuz inf.) 22-0
Olalde-Lagunak (eskuz gazteak) . . . 1-22
Olalde-Azpeitia (eskuz nag.) 22-0
Behar Zana-Olalde (palaz nag.) . 11-35

ATREBENTZIAEZPADA/ Herriko zine emanaldixetara juten zara?



AITOR LASKURAIN
10 urte

Ez, ez naiz juten, ez herriko emanaldixetara, ezta kanpora be. Gustatzen jat pelikulak ikustia, eta igual noizbait jungo naiz herriko emanaldira.




MIKEL LIZARAZU
10 urte

Bai, lagunekin eta anaikin juten naiz, eta gustatzen jat ekartzen dittuen pelikulak. Gehixenbat, barre egittekuak gustatzen jat.



IRATXE AIASTUI
10 urte

Bai, ahal dotenian juten naiz. Jun zan astian bota zebena, *Harry Potter*, asko gustau jaten, baiña pelikula berrixaguak ekarri biharko leukie.



LIDE TOLEDO
10 urte

Bai, eguraldi txarra egitten dabengan juten naiz. Gustatzen jat ekartzen dittuenak be, baiña pelikula berrixaguak ekarri biharko leukie.



JURDANA PILDAIN
10 urte

Bai, ahal dotenian juten naiz, batez be, eguraldi txarra egitten dabengan; ona egitten dabengan, kalian gelditzen naiz, lagunekin.

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tel.: 943 76 64 23

LARREA

TABERNA

Kalebarren 17
ANTZUOLA

Juan Cruz

ARGAZKIAK

Ezkontza erreportaiak
Jauentze erreportaiak
Momentuko argazkiak

BITXITEGIA

Marrokeneria
Erlojuak, Bitxiak
Opari gaiak

Herriko plaza 4. Tel. 943 78 70 66. ANTZUOLA